


ル 5  
3667  
6





門ル5  
號3667  
卷6



西陲總統事畧目錄

卷十一

土爾扈特源流

哈薩克源流

布魯特源流

霍罕路程記

卷十一 目錄



間有阿玉奇汗名最著慕

天朝威德會通貢

聖祖仁皇帝遣侍讀圖麗琛等假道鄂羅斯往宣

諭而俄羅斯故爲紆繞其程凡行三年又數月始反命圖麗琛有異域風土記紀其事阿玉奇之父曰棚楚克其祖曰書庫爾岱青其曾祖曰和鄂爾勒克其高祖曰卓立甘和鄂爾勒克其高祖之父曰貝果鄂爾勒克以上世遠無可攷自貝果鄂爾勒克至和鄂爾勒克皆單傳和鄂爾勒克有子六人一卽書庫爾岱青餘三無子其二有子孫皆式微無足傳書庫爾岱青子

四人絕嗣者二其一卽棚楚克是爲汗渥巴錫之曾祖其一曰那木策楞是爲郡王巴木巴爾之曾祖阿玉奇有子八人其六皆無嗣其一曰袞札布是爲親王策伯克多爾濟之曾祖其先世之徙俄羅斯也蓋自阿玉奇之曾祖和鄂爾勒克始其時四衛拉特各自爲汗無所統屬和鄂爾勒克與準噶爾巴圖魯渾台吉不睦率子書庫爾岱青等北徙俄羅斯屯牧額濟勒河倚騰吉忠巨澤所居地曰瑪努托海時阿玉奇尙在襁褓以巴圖魯渾台吉乃其外祖被畱不遣後書庫爾岱青往西藏還至準噶爾始索阿玉奇以

歸其額濟勒之境北界俄羅斯南界哈薩克東界哈喇哈爾榜西界圖里雅斯科以鄰牧互市皮馬俄羅斯嘗與雪西洋及西費雅斯科戰土爾扈特以兵助之厥後稍就弱俄羅斯因稱爲已屬然本附之非降之也迨渥巴錫之父敦羅布時俄羅斯益征調師旅不息繼復徵子入質不堪其虐而俄羅斯又屬別教非黃教比故渥巴錫與合族台吉密謀挈全部歸順中國以息肩焉其遠族有舍稜者曾以計誘害我副都統唐喀祿懼誅逃往額濟勒至是亦隨渥巴錫來歸以乾隆三十五年冬自額濟勒啟行歷哈薩克繞

巴勒喀什淖爾戈壁于次年六月始至伊犁之沙拉伯勒界凡八閱月歷萬餘里本有戶三萬三千有奇口十六萬九千有奇及抵伊犁僅存其半且皆饑餓狀甚憊

高宗純皇帝鑒其歸順之誠撫而納之且爲贍其生所以優恤之者無微弗至事具

御製記中甚詳封汗一曰汗巴錫親王一曰策伯克多爾濟郡王二曰巴木巴爾曰舍稜貝勒二曰默們圖曰恭格貝子三曰沙喇扣肯曰旺丹色布騰曰雅蘭丕勒輔國公一曰拜濟呼扎薩克台吉四曰達木拜曰德

爾德什曰札爾桑曰諾海餘皆以次遞授爵秩有差  
渥巴錫同旗設十札薩克爲烏訥恩蘇珠克圖盟稱  
舊土爾扈特舍稜族設兩札薩克爲青色特啟勒圖  
盟稱新土爾扈特恭格雅蘭丕勒諾海本和碩特族  
其先亦徒俄羅斯今偕渥巴錫來歸其同族設四札  
薩克爲巴圖色特啟勒圖盟游牧之地共分五處其  
分駐喀喇沙爾之著勒土斯地方者爲土爾扈特汗  
渥巴錫和碩特貝勒恭格等部衆游牧東南界喀喇  
沙爾城西北界伊犁之納喇特達巴罕東北界烏魯  
木齊南山西南界阿克蘇庫車其分駐伊犁之東精

河地方者爲土爾扈特貝勒默們圖等部衆游牧東  
界精河城南界伊犁圍場喀什山陰西北與伊犁屬  
之察哈爾游牧連界其分駐庫爾喀喇烏蘇之濟爾  
哈朗地方者爲土爾扈特郡王巴木巴爾等部衆游  
牧東與瑪納斯卽綏來縣西界接壤北與塔爾巴哈  
台之沙喇布拉克地方連界南界奎屯溝西界托多  
克軍台其分駐塔爾巴哈台之和博克薩里地方者  
爲土爾扈特親王策伯克多爾濟等部衆游牧西南  
與彼處所屬之察哈爾厄魯特連界西北與哈薩克  
連界東南皆戈壁荒山東北界噶札勒巴什淖爾與

科布多之烏梁海接壤此四游牧卽所謂舊土爾扈特及和碩特皆屬伊犁將軍統轄者也其新土爾扈特游牧則分駐科布多所屬阿勒台地方隸科布多叅贊大臣專轄此外有杜爾伯特部汗王貝勒貝子公台吉凡十四札薩克游牧烏蘭固木又輝特兩札薩克台吉均隸科布多以其皆爲四衛拉特之遺故併叙之

### 哈薩克源流

向傳哈薩克爲古大宛國非也漢書言大宛有城郭而今哈薩克則隨畜徙牧與大宛異俗且距伊犁西北二面伊犁爲烏孫故地証以漢書所言烏孫西北與康居接之文則哈薩克當卽古康居國詳見

高宗純皇帝御製集中其部有三曰左部曰右部曰西部其實東中西耳距京師萬餘里向爲準噶爾所阻未通聲教乾隆二十二年大軍追剿叛賊阿睦爾撒納直入其境哈薩克謀擒之以獻其左部汗阿布賚稱臣內屬受封爵尋遣使札噶喇等入貢是年秋叅贊大



臣富德率兵追捕準夷餘黨哈薩克錫拉至右部境  
會其與塔什罕部構釁互攻方背水決勝因遣侍衛  
蒙古爾岱單騎入其陣宣諭

威德哈薩克稽顙聽命而塔什罕回目亦悔悟息爭右部汗  
阿布勒比斯即日遣使入貢其書畧曰右部與左部  
阿布賚同爲雄長今得均隸臣僕請陪左部自効語  
極眞摯使至均

賜宴優賚遣歸二十四年阿布賚遣其從子俄羅斯蘇爾統  
入

覲蘇爾統者其汗近族之貴稱猶準噶爾所謂台吉也二十

五年復遣從子都勒特赫勒蘇爾統入

覲

上慮其道遠不能急馳傳

諭緩程而行於十月初旬至熱河而蘇爾統以九月三日自  
烏里雅蘇台啟行月之十八已抵波羅河屯奏言途  
中驛騎餼糧極蒙優恤不致跋涉之勞急欲瞻覲

天顏以抒誠悃

上優獎之其同來之陪臣鄂莫爾色楞伯特爾皆乞留充  
宿衛

命爲乾清門侍衛二十八年西哈薩克啟齊玉蘇部之努喇

卷十一  
麗汗巴圖爾汗烏爾根齊部之哈雅布汗同遣使奉表貢

賜賚如左右二部例三十四年阿布賚遣子幹里蘇爾統等  
阿布勒比斯遣子卓勒齊等先後入

覲

宴賚有加四十七年阿布賚卒

上念哈薩克誠心歸順歷久益虔卽封阿布賚之子幹里爲  
汗尋遣其弟沙海蘇爾統來謝

恩阿布勒比斯亦遣子噶岱入

覲竝

賜宴賚嗣西部努喇麗汗遣子阿布賴蘇爾統來貢卒于途

陪臣哈喇托霍代至亦預

宴賚蓋自哈薩克向化輸誠以來備極恭順朝貢至今不絕  
云所部本回種而游牧散處無屋宇定居其屬雖設  
鄂托克以頭目領之然攘竊成風漫無約束卽其汗  
亦不能禁止風俗大抵與回人相似惟不知禮拜諷  
經之事宴會以牛羊馬駝爲饌馬湏爲酒以衣多爲  
華美其附近伊犁塔爾巴哈台一帶游牧者往往潛  
入卡倫竊馬必嚴緝懲治之每遇冬季邊外雪大許  
其附近卡倫牧放牲畜暫爲度冬每馬百匹例收租

馬一匹每年夏秋其台吉頭目等各率所屬分運牛羊馬匹並由安集延所販羶片牛皮等物至伊犁貿易以綢緞布疋償之塔爾巴哈台亦然其初來之時各卡倫官兵查明稟報始准放入及貿易則另派官兵照料台吉頭目照例宴延此撫馭之大畧也至其部鄂托克名目今備載於左

哈薩克汗瓦哩蘇爾坦所轄

阿塔海阿爾幹鄂托克

原係哈薩克汗阿布賚所居地方現今伊子瓦里蘇爾坦居住

瑚蘭索阿爾幹鄂托克

額克葉克阿爾幹鄂托克

輝拉塔海阿爾幹鄂托克

巴巴散阿爾幹鄂托克

阿克薩克薩賚阿爾幹鄂托克

巴巴阿塔海阿爾幹鄂托克

瑚岱博爾替阿爾幹鄂托克

拜木博特阿爾幹鄂托克

額森柯爾地阿爾幹鄂托克

額爾賽阿爾幹鄂托克

哈克薩勒阿爾幹鄂托克

薩博爾替阿爾幹鄂托克

哈台阿爾幹鄂托克

哈拉庫庫魯克阿爾幹鄂托克

哈爾瑪克齊阿爾幹鄂托克

綽巴拉特巴賚阿爾幹鄂托克

巴噶納賚阿爾幹鄂托克

巴爾塔賚阿爾幹鄂托克

塔斯達爾阿爾幹鄂托克

巴爾台阿爾幹鄂托克

枯樹柏阿爾幹鄂托克

赫爾德阿爾幹鄂托克

瑚宛德克阿爾幹鄂托克

庫穆克伊阿爾幹鄂托克

庫爾德伊阿爾幹鄂托克

東遜阿爾幹鄂托克

邁哩阿爾幹鄂托克

崇固爾齊阿爾幹鄂托克

嘉克薩拉克阿爾幹鄂托克

阿特克阿爾幹鄂托克

嘉塔爾阿爾幹鄂托克

悶圖克阿爾幹鄂托克

薩拉阿爾幹鄂托克

嘉赫爾格斯阿爾幹鄂托克

拜赫爾格斯阿爾幹鄂托克

巴噶斯阿爾幹鄂托克

哈拉克色克阿爾幹鄂托克

拜散替音阿爾幹鄂托克

瑪賚格雅德格爾阿爾幹鄂托克

土爾免勒阿爾幹鄂托克

博爾齊阿爾幹鄂托克

默充阿爾幹鄂托克

喀拉克伊阿爾幹鄂托克

共四十四鄂托克人等俱於庫庫齊陶週圍  
等處游牧居住距伊犁約有三個月程途台  
吉托克蘇爾坦游牧距誠格斯察幹約有一  
個月程途

哈薩克汗瓦哩蘇爾坦之子公爵台吉阿帕斯蘇

爾坦所轄

阿塔海巴噶斯阿爾幹鄂托克

公爵台吉巴格哩所轄

烏朶克阿爾幹鄂托克

哈薩克汗瓦哩蘇爾坦之弟台吉誠格斯之子戴

二等頂翎台吉托克托所轄

哈魯勒阿爾幹鄂托克

哈薩克汗瓦哩蘇爾坦之弟台吉俄羅斯塔木所

轄

克勒阿爾幹鄂托克

公爵色德克所轄

汗濟哈賚阿爾幹鄂托克

台吉阿拜台所轄

塔拉克圖阿爾幹鄂托克

台吉阿布都拉所轄

額色木巴克圖阿爾幹鄂托克

公爵台吉沙海蘇爾坦所轄

洪郭拉特阿爾幹鄂托克

公爵台吉哈色木所轄

諾海阿爾幹鄂托克

台吉額色木所轄

赫博克雅克阿爾幹鄂托克

台吉托克蘇爾坦所轄

托博克圖阿爾幹鄂托克

台吉霍索木所轄

納丹阿爾幹鄂托克

公爵台吉多索哩所轄

庫克齊阿爾幹鄂托克

公爵台吉沙木哈穆特所轄

公專達雅克阿爾幹鄂托克

台吉蘇勒托木伯特所轄

公赫伯察克鄂托克

渣哈爾邁哩鄂托克

台塔奔鄂托克

哈薩克汗瓦哩蘇勒坦之弟公爵阿的勒蘇勒坦  
所轄

玉遜鄂托克

齊莫爾玉遜鄂托克

色和穆玉遜鄂托克

嘉納斯玉遜鄂托克

博特拜玉遜鄂托克

阿勒占玉遜鄂托克

色柯斯薩拉玉遜鄂托克

察劈拉西提玉遜鄂托克

和色勒博羅克玉遜鄂托克

索宛玉遜鄂托克

哈斯哈魯玉遜鄂托克

洪烏爾博羅克玉遜鄂托克

博羅克齊玉遜鄂托克

赫斯特克玉遜鄂托克

塔瑪玉遜鄂托克

沙拉玉遜鄂托克

前齊赫哩玉遜鄂托克

札里雅爾玉遜鄂托克

杭勒玉遜鄂托克

塔克圖玉遜鄂托克

錫爾格里玉遜鄂托克

愛休博索穆玉遜鄂托克

庫庫札爾里克玉遜鄂托克

西爾卓瑪爾特玉遜鄂托克

玉遜札哈勒拜鄂托克

共二十五鄂托克人等距伊犁西北卡倫約  
有數站途程

哈薩克台吉伊壩克所轄



素宛鄂托克

哈薩克台吉愛楚瓦克所轄

素宛鄂托克

哈薩克台吉薩爾瑚勒所轄

素宛鄂托克

哈薩克王姜霍卓所轄

阿赫木博特素宛奈曼

原係哈薩克王阿布勒必斯所居現今伊孫姜霍卓居住

色密斯奈曼鄂托克

赫爾濟奈曼鄂托克

特勒斯塔木哈利奈曼鄂托克

托郭斯多克伯克奈曼鄂托克

邁提皮斯瑪圖奈曼鄂托克

哈布塔海奈曼鄂托克

巴克圖利默斯奈曼鄂托克

體西雅爾奈曼鄂托克

額默利海呢雅爾奈曼鄂托克

伯根伯特奈曼鄂托克

布拉奈曼鄂托克

額爾格納克圖奈曼鄂托克

西達勒奈曼鄂托克

拜哈納奈曼鄂托克

哈魯爾嘉薩克奈曼鄂托克

洪烏拉特奈曼鄂托克

沙爾珠默特奈曼鄂托克

伯斯霍斯奈曼鄂托克

土爾免勒奈曼鄂托克

哈薩克公爵卓勒齊所轄

穆隆奈曼鄂托克

公爵博浦所轄

斯班奈曼鄂托克

公爵庫庫岱台吉色敏所轄

色密斯奈曼鄂托克

赫爾吉奈曼鄂托克

車魯齊奈曼鄂托克

庫克楚古斯奈曼鄂托克

嘉斯塔瓦奈曼鄂托克

驀勒霍奈曼鄂托克

嘉達克奈曼鄂托克

塔斯霍彥奈曼鄂托克

哈爾噶斯奈曼鄂托克

齊巴爾愛哈爾奈曼鄂托克

哈薩克台吉哈木巴爾所轄

拜吉格特鄂托克

瓦克奈曼鄂托克

土爾兔勒鄂托克

霍吉木伯特鄂托克

嘉哩博勒多鄂托克

阿克奈曼鄂托克

薩爾嘉默特鄂托克

庫庫嘉爾鄂托克

車魯齊鄂托克

喀拉克勒拜吉納鄂托克

土薩克齊土爾兔勒鄂托克

哈拉廓澤巴伊克土爾兔勒鄂托克

額且邁哩廓勒鄂托克

阿巴克圖廓勒鄂托克

坤斯塔克廓勒鄂托克

伊特哩廓勒鄂托克

邁勒呼廓勒鄂托克

默爾碩勒廓勒鄂托克

庫克齊格斯廓勒鄂托克

喀拉廓勒鄂托克

西宛廓勒鄂托克

阿貼哩廓勒鄂托克

哈爾哈斯廓勒鄂托克

托霍木伯特廓勒鄂托克

戴四品頂翎台吉嘉拜所轄

克勒拜吉格特鄂托克

戴四品頂翎台吉托克托庫楚克所轄

喀拉拜吉格特鄂托克

台吉博羅克所轄

拜吉格特奈曼鄂托克

台吉阿布勒必所轄

澤赫勒鄂托克

布魯特源流

布魯特在伊犁西南邊外有東西二部其游牧阿克蘇烏什西北及伊犁西南者爲東布魯特游牧喀什噶爾北與西及葉爾羌西南者爲西布魯特環繞近邊之地逐水草而居與外番安集延霍罕諸部接壤按漢書休循國出葱嶺西捐毒國與葱嶺屬西北皆當大宛大宛有城郭土著休循捐毒皆塞種無城郭今安集延卽古大宛城郭居而布魯特密而與鄰無城郭當卽所謂休循捐毒二國者是又唐書西域傳大小勃律王其地直土魯番而去長安八千里以方

域攷之亦卽今布魯特之地詳見

高宗純皇帝御製集中布魯特向爲回部別族與中土聲教不通乾隆二十三年大軍討逆回布拉泥敦霍集占將軍兆惠以搜捕伊犁餘孽旋師會勦道經布魯特界其酋長圖魯起拜等遮道自陳言向爲厄魯特所阻外王化今西域蕩平所部人衆咸願內屬乞遣大首領赴闕輸款事

聞

上以布魯特本遐荒殊域並未脅以兵威又非馭以智術茲望風歸附納款稱臣情詞甚爲諄懇

特允其遣使入

覲用抒向化之忱比使至

優加宴賚

上復念其部畜牧爲生非若回人之習耕作盡地利雖經慕化歸誠祇令職貢効忱免其納賦布魯特感

聖恩厚亟圖報偵知霍集占被圍葉爾羌布拉泥敦自喀什噶爾往援乃以兵襲其後劫掠屬邑爲我軍應布拉泥敦懼不敢進及霍集占等敗竄布魯特兵猶攻喀什噶爾之布喇村檄以逆賊兄弟已遁葉爾羌喀什噶爾皆底定乃止尋大軍追賊至阿爾楚爾破其伏

斬馘千餘是時布魯特皆隨軍爲嚮導三十年烏什  
逆回賴黑木圖拉糾眾叛恐大軍進勦不克抗潛遣  
其黨巴布敦偕安集延貿易回人賫書幣間道赴霍  
罕乞援且通安集延道出布魯特揚言諸回城皆叛  
爲煽惑計適伯克噶岱默特遣屬赴布魯特厄爾格  
訥薩爾巴噶什諸鄂拓克告言自烏什外他城悉安  
堵布魯特比齊里克齊乃誘巴布敦擒之遣其弟喀  
爾們縛獻喀什噶爾伏法賊自是窘卒就誅滅布魯  
特俗重牲畜與哈薩克畧同其部落沿邊散處凡十  
有七大首領稱爲比猶回部阿奇木伯克也比以下

有阿哈拉克齊大小頭目皆由喀什噶爾叅贊大臣  
奏放給以翎頂二品至七品有差每歲遣人進馬酌賚綢  
緞羊隻商回以牲畜皮張貿易至者稅減內地商民  
三分之一其游牧之地有近伊犁界者間歲將軍遣  
領隊大臣親往巡查一次至常年稽察約束則歸喀  
什噶爾叅贊大臣專轄今就嘉慶十二年所查名冊  
附載于後以備稽核焉

齊里克部落布魯特

阿達克 六品頂戴藍翎

庫楚克 六品頂戴

愛散克勒的 六品頂戴藍翎

曲依魯曲依 金頂

西布查克部落布魯特

庫楚克 五品頂戴花翎告休

圖爾底邁莫特 二品頂戴花翎

楚瑪克 五品頂戴花翎

沙哈色木 六品頂戴藍翎

拜泥雜爾 六品頂戴

岳哈西底 五品頂戴花翎

阿布里克 六品頂戴藍翎

格音拜 六品頂戴

薩爾查 五品頂戴花翎

阿垣拜 金頂

阿克莫特 六品頂戴藍翎

阿布拉 六品頂戴藍翎

伊里斯拜 金頂

阿布都爾滿 金頂

喀拉巴圖爾 六品頂戴藍翎

伯克泥雜爾 六品頂戴藍翎

罕柯勒底 金頂



巴拉特 金頂

圖爾厄依格爾鄂托克係西布查克部落所屬

密爾雜 六品頂戴藍翎

雅斯 金頂

薩爾特鄂托克係西布查克部落所屬

多斯莫特 金頂

努庫里 金頂

崇巴噶什部落布魯特

博什懷 二品頂戴花翎

蒙古勒 藍翎

胡瓦特 四品頂戴花翎

圖里雅克 六品頂戴

穆拉特占 六品頂戴

薩勒拜 金頂藍翎

渾齊 五品頂戴花翎

噶爾密雜克 六品頂戴

托羅拜 金頂

愛吉伯克 金頂

伯克什 六品頂戴藍翎

穆拉特 六品頂戴藍翎

喀爾密沙克 六品頂戴藍翎

蒙古勒多爾部落布魯特

買瑪胡里 金頂

阿提彥 金頂

巴斯奇斯部落布魯特

岳勒達什 金頂

厄德格訥部落布魯特

薩克依巴什 金頂

薩爾巴噶什部落布魯特

鄂和拉克 三品頂戴花翎

薩林伯特 五品頂戴花翎

圖烈拜 五品頂戴花翎

吉音拜 五品頂戴花翎

蘇勒圖部落布魯特

多里雅特 三品頂戴花翎

查喀爾薩雅克部落布魯特

格 岱 三品頂戴花翎

薩雅克部落布魯特

滿伯特 四品頂戴花翎

特木爾占 五品頂戴花翎

胡什齊部落布魯特

舒庫爾 藍翎

岳瓦什部落布魯特

快科斯 金頂

奈滿部落布魯特

伊滿 六品頂戴藍翎

伊薩 六品頂戴藍翎

雅爾莫特 六品頂戴藍翎

提伊特部落布魯特

伯舍柯 六品頂戴藍翎

伊里斯莫特 六品頂戴藍翎

喀爾提金部落布魯特

萬吉 四品頂戴花翎

薩的克 四品頂戴花翎

訥德爾莫特 四品頂戴花翎

伯克特木爾 四品頂戴花翎

貼烈克 六品頂戴藍翎

以上二品二員 三品三員 四品六員 五品

九員 六品二十四員 金頂十七員 藍

翎二名 共六十三員名

霍罕路程記

西陲荒服自左右哈薩克東西布魯特而外若安集  
 延若瑪爾噶朗若那木塔什若塔什罕若博洛爾若  
 巴達克山若愛烏罕若溫都斯坦若布哈爾諸部於  
 古皆為大荒以西自新疆戡定以來無不向化歸誠  
 虔奉職貢凡夫八駿四駿之馬白鷹海青之鳥以及  
 劍斧刀七首之器琛賚疊獻藉申悃忱見于

高宗純皇帝御製詩集者不可勝紀諸部中以霍罕為最大  
 今記其路程里數于左

喀什噶爾至木什卡倫九十里

有柴水草居住明伯克一名喀什噶爾回

子一  
百名

木什卡倫至汗玉罕六十里

有柴  
水草

汗玉罕至特爾勒克六十里

此處出鉛有  
柴水無草

特爾勒克至庫舒烏珠黑六十里

有柴  
水草

庫舒烏珠黑至鄂克蘇魯爾三十里

小達巴罕一座  
有柴水草

鄂克蘇魯爾至峩斯克奇克七十里

有柴  
水草

峩斯克奇克至色爾哩克野塞三十里

有柴  
水草

色爾哩克野塞至納哈爾察勒廸四十里

有柴  
水草

納哈爾察勒廸至伊根二十里

有柴  
水草

伊根至托海巴什五十里

有柴  
無水草

托海巴什至依克依雜克達巴罕十里

依克依雜克達巴罕至依克依雜克布拉克三十里

兩處有水  
草無柴

依克依雜克布拉克至庫庫蘇四十里

有水  
無柴

庫庫蘇至鐵葉爾哩葉克達巴罕下三十里

有水  
無柴

鐵葉爾哩葉克達巴罕下至達巴罕十里

過嶺至色哩庫楚克七十里

有柴  
水草

色哩庫楚克宿一日至塔爾噶拉克六十里

有柴  
草中間

沙爾騰恩格斯  
亦通喀什噶爾

塔爾噶拉克至圖巴爾拉克塔木三十里

有水  
柴有坍塌

土城墻圍週圍一里之地此處是我德格訥所  
管阿塔布托游牧修橋路之十餘戶布魯特

圖巴拉克塔木至古勒沙四十里有柴

古勒沙至圖古爾克托海七十里有柴水草  
噶布蘭蘇提布拉克

克二處  
達巴罕

圖古爾克托海至鄂什九十里此處有土城一座霍

民住所此城有辦事一人名曰阿克呢雜爾又有管  
兵一人名曰伊爾哩扈哩又有一河名曰阿克卜古

拉爾有水  
草無柴

鄂什至阿拉班五十里有小土城一座只有西門一

民無柴  
無水草

阿拉班至明圖伯四十里有坍塌土城墻圍週圍三

戶回子住所有水草無柴阿拉班至明  
圖伯舊扈什齊游牧人等耕田之地

明圖伯至扈巴六十里有小土城一座霍罕五十餘

扈巴至瑪爾噶浪六十里有回民三千餘戶再沙拉

瑪爾噶浪有納爾巴圖之子邁瑪迪敏統轄伊等都  
管伯克呢雜爾鄂布勒克色木等幫辦有水草無柴

瑪爾噶浪至阿克圖伯四十里

阿克圖伯至布拉克巴什八十里中間布帕拉散阿

此等庄子五六十戶起止  
二三百戶不等回子住所

布拉克巴什至霍罕六十里塔爾噶拉克起自沙爾

海巴什四十  
里有柴水草

托海巴什至沙爾騰達巴罕之根三十里有柴  
水草

沙爾騰達巴罕至愛哩雅瑪九十里有水草無柴  
愛哩雅瑪至托海巴什八十里兩中間有嶺二處有柴水草

西陲總統事畧目錄

卷十二

漢烏孫釋地

唐西突厥釋地

哈薩克馬說

渥洼馬辯

厄魯特舊俗紀聞

回俗紀聞

西陲總統事畧卷十二

官保將軍松筠湘浦纂定 男熙慶亮績校字

原任山東知縣汪廷楷仰亭原輯

原任戶部郎中祁韻士鶴臯編纂

原任城守尉宗室賡寧安齋繪圖

前任工部員外郎程振甲也園校刊

漢烏孫釋地

武帝元狩元年博望侯張騫使西域初騫自匈奴還

具為天子言西域諸國風俗烏孫行國與匈奴同

俗治赤谷去長安八千九百里



御製詩注

按烏孫蒙古語謂水今厄魯特逐水草而徙正所謂隨畜與匈奴同俗者其去長安道里亦與今合云準噶爾為漢烏孫即今伊犁但赤谷遺址無攷耳

元鼎元年張騫建言烏孫王昆莫本為匈奴臣後兵疆不肯事匈奴今單于新困于漢而故渾邪王地空無人誠以厚幣賂烏孫招居故渾邪之地則是斷匈奴右臂也既連烏孫則其西大夏之屬皆可招來而為外臣上然之拜騫為中郎將齎金帛直數千萬騫至烏孫致賜論指未能得其決因分遣副使使大宛康居大月氏大夏安息身毒于闐及旁諸國烏孫發譯道送騫還使數十人馬數十匹

隨騫報謝後歲餘所遣使通大夏之屬皆頗與其

御製詩注

按漢書言大宛在漢正西其俗土著耕田有城郭室屋如中國其東北則烏孫烏孫西北與康居接云大宛即今安集延康居即今哈薩克以今証古確然無疑漢書言大月氏治監氏城大夏在大宛西南身毒一名天竺在大夏東南安息治番兜城疑與今温都斯坦諸部相近于闐即今南路之和闐也

六年烏孫使者見漢廣大歸報其國乃益重漢匈奴欲擊之烏孫恐使使願得尚漢公主為昆弟乃以江都王女細君為公主往妻烏孫昆莫以為右夫人匈奴亦遣女妻之以為左夫人昆莫死其孫岑

輒代立遂妻公主乃以昆彌爲王號  
按岑輒官名若翎候之類其名軍須靡非名岑輒也昆莫本名獵驕靡其王號乃取昆莫驕靡而一之

宣帝本始二年烏孫公主死後以楚王孫女解憂爲公主妻岑輒岑輒死翁歸靡立號肥王復尙主生元貴靡匈奴侵擊烏孫公主及昆彌上書請救乃遣常惠特節護烏孫兵擊匈奴獲名王騎將以下四萬級馬牛羊驢七十餘萬匈奴自此衰弱

甘露二年匈奴亂呼韓單于郅支單于皆遣子入侍呼韓邪降自是烏孫以西至安息諸國近匈奴者

咸尊漢郅支聞漢助呼韓邪遂徙居監昆東去單于庭七千里

按監昆國地當伊吾之西焉者北白山之傍在今俄羅斯南境

二年烏孫公主來歸上遣謁者立楚主子元貴靡爲大昆彌肥王胡婦子烏就靡爲小昆彌

三年郅支單于自徙居監昆怨漢不助已困辱漢使求侍子遣衛司馬谷吉送之旣至爲郅支所殺郅支自知負漢又聞呼韓邪益疆恐見襲虜會康居遣使迎欲與合兵取烏孫遂引兵西康居王以女妻之郅支數借兵擊烏孫深入至赤谷城烏孫不

敢追西邊空虛不居者且千里

按赤谷爲大昆彌所居烏孫本行國與城郭諸國不同此處城字疑衍

建昭三年副校尉陳湯與都護甘延壽書曰夷狄畏服大種其天性也西域本屬匈奴今郅支單于威名遠聞侵凌烏孫大宛常爲康居畫計欲降服之如得此二國數年之間城郭諸國危矣郅支雖所在絕遠蠻夷無金城疆弩之守如發屯田吏士毆從烏孫衆兵直至其城下彼亡則無所之守則不足自保千載之功可一朝而成也延壽以爲然欲奏請之湯按劍叱延壽矯制發兵上疏自劾陳言

兵狀卽日引兵分行別爲六校其三校從南道踰葱嶺徑大宛其三校都護自將發溫宿國從北道入赤谷過烏孫涉康居至郅支城都賴水上圍之單于被創死斬其首傳至京師延壽封義成侯湯

封關內侯

按漢書溫宿國治溫宿城去長安八千五百餘里卽今阿克蘇距伊犁千餘里有穆蘇爾達巴罕爲相通之路當時應卽取道于此

成帝時烏孫國亂徵段會宗爲左曹中郎將往安輯之未幾小昆彌末振將殺大昆彌會病死漢發戍已校尉諸國兵就誅末振將之子番邱恐大兵入

烏孫驚番邱亡逃留所發兵墊婁地選精兵竟至  
昆彌所召番邱誅之未振將兄子烏犁靡勒數千  
騎圍會宗會宗爲言來誅意乃解

哀帝元壽二年烏孫大昆彌來朝

明帝永平中班超將進攻龜茲上言烏孫大國控弦  
十萬宜遣使招慰與合力帝納之烏孫尋遣子入  
侍

元魏大延三年烏孫與龜茲疏勒等八國入貢魏主  
遣使招之至烏孫其王喜導送旁國皆隨入貢自  
是不絕

按自唐以前伊犁之地皆屬烏孫至隋時西突厥  
始據其地而烏孫之號遂絕

唐西突厥釋地

突厥世居金山隋初佗鉢可汗死其國分立四可汗  
沙鉢畧可汗居都解山第二可汗菴邏居獨洛水  
阿波可汗大邏便領所部與達頭可汗玷厥居西  
面阿波可汗寔強諸胡皆附號西突厥

按金山即今科布多之阿爾台山所云可汗今則  
止稱汗耳

沙鉢畧與阿波有隙擊破之乃立約以磧爲界沙鉢  
畧死其弟莫何可汗處羅候擊阿波生擒之西突  
厥國人立鞅素時勒之子爲泥利可汗泥利死子  
達漫立號處羅可汗處羅居烏孫故地處羅母向

氏本中國人泥利死更嫁泥利之弟與俱入朝留  
居長安因遣使招懷處羅跪受書貢汗血馬後處  
羅爲其酋長射匱所襲東走入朝射匱立拓地東  
至金山西至海遂與北突厥爲敵建牙于龜茲北  
三彌山

按西海卽今大西洋龜茲本漢國今庫車卽其故地

射匱死弟統葉護可汗立勇而有謀北并鐵勒控弦  
數十萬據烏孫故地又移庭于石國北千泉西域  
諸國皆臣之嗣統葉護諸父莫賀咄殺統葉護而  
自立爲屈利俟毗可汗國人不附立統葉護之子

咥力特勒爲乙毗鉢羅肆葉護可汗已而俟毗爲  
莫賀設之子泥熟所殺肆葉護爲國人所攻走死  
泥熟立爲咄陸可汗咄陸死弟同娥設立爲沙鉢  
羅咥利失可汗分其國爲十部每部酋長各賜一  
箭謂之十箭又分左右廂左廂號五咄陸置五大  
啜右廂置五努失畢置五大俟劬通謂之十姓後  
咥利失失衆心爲其臣統吐屯所逐走焉者尋復  
得其故地

按焉者亦漢國卽今喀喇沙爾

西部遂立欲谷設爲乙毗咄陸可汗中分其地以伊

列水爲界水以西屬乙毗咄陸以東屬唃利失唃  
利失之臣俟利發後與乙毗咄陸通謀爲亂唃利  
失窮蹙而死其弟之子沙鉢葉羅護可汗立謂之  
南庭乙毗咄陸爲北庭

按伊列水亦曰伊麗水卽今伊犁河蓋音相近而  
訛耳

未幾乙毗咄陸併沙鉢羅葉護之衆自恃強大寇伊  
州安西都護郭孝恪擊敗之乙毗咄陸又擊破米  
國不分虜護與其下爲所逐走保白水胡城於是  
所部詣闕請更立可汗

按伊州卽今哈密安西都護府初治西州爲今土  
魯番後滅龜茲乃徙治之卽今庫車

太宗遣使立莫賀咄之子爲乙毗射匱可汗乙毗咄

陸奔吐火羅其葉護阿史那賀魯以衆內屬詔以  
爲瑤池都督處庭州莫賀城

按唐時於烏魯木齊置庭州後改北庭都護府

賀魯招集離散廬帳漸盛遂擊破乙毗射匱可汗建  
牙於千泉自稱沙鉢羅可汗統有咄陸努失畢十  
姓勝兵數十萬寇庭州攻陷金嶺城

按金嶺一名金沙嶺又名瑩沙嶺今烏魯木齊南  
通土魯番過博克達達巴罕細沙皆金色是其遺  
蹟

高宗永徽二年詔武侯大將軍梁建方等討之又二

年乙毗咄陸死其子真珠葉護擊破沙鉢羅已而復爲沙鉢羅所併高宗遣使册立西突厥真珠葉護爲可汗至碎葉城爲沙鉢羅所拒遣程知節等討之

按唐書載焉耆都護府有碎葉城又云出安西慈嶺巔二千里度雪海春夏常雨雪北行羸千里得碎葉川其西有碎葉城是碎葉城唐時爲焉耆都護所轄在伊麗河西碎葉川亦名素葉水通鑑輯覽注云今伊犁河之西水最大者曰圖斯庫爾爲碎葉舊蹟其水周廣六百餘里當即今特穆爾圖淖爾是也阿克蘇至伊犁經穆蘇爾達巴罕至今尚有呼爲雪海者史言常雨雪良然

顯慶二年以蘇定方爲伊麗道行軍總管討沙鉢羅督諸軍自北道進討定方至曳咥河沙鉢羅拒戰

定方擊敗之會大雪平地二尺軍中咸請俟晴而行定方曰虜恃雪深謂我不能進必且休息亟追之可及也乃兼行至其牙帳縱兵擊之斬獲數萬沙鉢羅脫走趨石國定方于是息兵十姓安堵如故命蕭嗣業追沙鉢羅獲之分西突厥地置昆陵濛池二都護府以彌射爲興昔亡可汗押五咄陸部落步真爲繼往絕可汗押五努失畢部落

按通鑑輯覽注云曳咥河在伊麗河東崑陵居碎葉川西濛池居碎葉川東皆與今伊犁不遠

武后時十姓無主附于吐蕃有突騎施者西突厥別部也其可汗曰烏質勒居碎葉川久之突騎施別



將蘇祿自立爲可汗尚唐公主酋長莫賀達干襲  
殺之都摩度立蘇祿子骨咄爲吐火仙可汗收其  
餘衆居碎葉川與莫賀達干相攻磧西節度使蓋  
嘉運擊擒之並取交河公主而還開元二十八年  
詔立阿史那懷道之子昕爲十姓可汗以莫賀達  
干爲突騎施可汗已而昕爲莫賀達干所殺西突  
厥遂亡後安西節度使夫蒙靈訢討莫賀達干斬  
之突騎施亦衰

按突厥國于後魏大統時至唐開元中滅其地盡  
入回紇卽回鶻也

### 哈薩克馬說

自古相傳大宛產善馬此說昉自史遷今攷西域諸  
國固無地不產良馬何以獨屬之大宛正以漢時人  
未履其地徒聞其名阻闕胥昧遂以善馬爲大宛所  
獨耳不寧惟是卽我

朝西極未定之先準噶爾所貢馬率以大宛稱之大抵  
出今哈薩克回部者居多按史記載康居國南羈事  
月氏東羈事匈奴是康居本他人之屬國張騫使月  
氏爲匈奴所閉及亡抵大宛而大宛遂爲發導驛抵  
康居則康居又係聽大宛役屬唐書載石國爲故康

居小王窳匿城地卽漢書所謂康居小五王之一而唐顯慶中以爲大宛都督府亦其一証故哈薩克以漢語言之則爲康居自其服屬言之則原大宛是哈薩克之馬未嘗不可稱爲大宛馬特大宛故地在今安集延回部其所產馬乃不及哈薩克遠甚豈古今物產固有轉移消長歟伏讀

高宗純皇帝御製詩曰大宛之跡見張騫去漢萬里俗耕田多善馬號天馬子屬邑七十餘城焉遷僅耳聞非目睹以今證古多訛傳哈薩克或康居是大宛則實安集延善馬率出哈薩克伊犁來鬻歲數千安集延雖亦有馬素乏良

騎來天閑且哈薩克無城郭安集延原村落連昔之大宛今鮮馬今哈薩克非大宛彼其漢事尙謬記何況異域懸天邊皇輿西域輯圖志一一徵實登諸篇但攷古卽誤于古斯之未信吾殷然敬謹讀此可以知善馬之不必專屬大宛而大宛之非卽哈薩克亦曉然無疑矣

渥洼馬辯

事之不可信者或傳之千百年而不知其謬如所云神馬天馬及汗血馬是已按漢書注李斐曰南陽新野有暴利長遭刑屯田敦煌界數于渥洼水旁見羣野馬中有奇者與凡馬異來飲此水利長先作土人持勒絆于水旁後馬玩習久之乃代土人勒絆收得其馬獻之欲神異此馬僞云從水中出武帝以爲神馬是當時武帝固未必知其僞或知其僞而姑藉以爲誇大云爾一時好奇之士輾轉相傳筆之于冊遂以爲真若欲與負圖之龍馬同目謬矣攷渥洼水爲

氏置水之支流卽今黨河在敦煌縣爲哈密迤東而北孔道之旁卽有地名爲大宛者疑武帝所得西域之馬未必皆出大宛特以大宛馬善故隨處有此名其實凡屬行國無不產馬所言代土偶人勒絆數語實理之所必無注又明言其僞而人顧詫稱之甚至有汗血之說則尤謬之謬者推原其故蓋亦有因今哈密吐魯番一帶夏熱甚蚊蠓極大往往馬被其吮噬血隨汗出此人人所共見當卽所謂汗血者也若如漢書顏師古注云大宛國有高山其上有馬不可得因取五色馬置其下與集生駒皆汗血因號曰

天馬子似若其馬生而汗血者果爾則何以書策載之古今傳之卒無一人親見之者哉

厄魯特舊俗紀聞

昔準噶爾厄魯特未滅時分統四衛拉特皆有大台  
吉主之亦稱汗餘小台吉皆汗之宗屬爲之其臣下  
謂之宰桑大臣稱圖墨什其次稱札爾扈齊佐圖墨  
什理事者其汗所屬人戶曰鄂拓克台吉所屬曰昂  
吉猶言部分也鄂拓克游牧環其汗所居昂吉游牧  
環諸鄂拓克其辦理喇嘛之事曰集賽以宰桑領之  
守邊界之人曰札哈沁司礮者曰包沁包者礮也以  
鐵爲腔駕於駝背以施放者俗最重黃教凡決疑定  
謀必咨於喇嘛而後行喇嘛坐床者爲西勒圖坐牀

卽掌教也人生六七歲卽令識喇嘛字誦喇嘛經病  
則先延喇嘛誦經然後服藥若大台吉有事諷經則  
其下爭輸貨物於喇嘛以爲禮衆喇嘛聚而諷經之  
室曰都綱噶爾丹策凌時曾於伊犁河之北固爾札  
河之南海努克建立都綱三層繚垣周一里許聚集  
喇嘛令其五鄂拓克輪值供養之謂之塔本集賽塔  
本言五集賽言輪值也歲首盛夏其膜拜頂禮者遠  
近咸集往往捐珍寶施金銀以事莊嚴廟之閔壯甲  
於漠北阿睦爾撒納之叛賊黨肆劫焚掠廟乃燬廢  
今巴彥岱之南地名金頂寺是其遺址準夷不習耕

作以畜牧爲業饑食其肉渴飲其酪寒衣其皮馳驅  
資其用無一不取給於牲欲粒食則因糧於回部回  
人苦其鈔掠歲賦以粟然僅供酋豪饘粥其達官貴  
人夏食酪漿酸乳冬食牛羊肉貧人則但食乳茶度  
日畜牧之外歲以熬茶西藏爲要務其酒縫皮爲袋  
中盛牲乳束其口久而釀成味微酢謂之洞酒每歲  
四月馬漣新得時置筵酬神詐馬爲慶謂之玉醴斯  
蒙古亦然但不如其盛耳廬帳方位以東爲南南爲  
西西爲北北爲東戶必東面猶內地之南向也飲食  
用椀用匕而不用箸其匕之制大小不同以木與皮

爲之其地有樹如鞞取其油以爲燈火云冠無冬夏之別但以毛質厚薄爲差白氊爲裏外飾以皮貴者飾以氊或染紫綠色其頂高其簷平謂之哈爾那畧如內地暖帽而綴纓止及其帽之半婦人冠與男子同帶以絲爲之端垂流蘇其長委地婦人辮髮雙垂約髮用紅帛在辮之腰帛間綴以好珠瑟瑟之屬望若繁星呼袍爲拉布錫克台吉用錦緞爲之飾以繡宰桑則絲繡氊氊爲之賤者多用綠色禦冬無棉以駝毛爲絮名庫棚亦有祇衣羊皮者皆右衽平袖四圍連紉男子衣不鑲邊婦人衣用棉繡兩肩兩袖及

交襟續衽處鑲以金花其民婦則以染色皮鑲之白吉鞞以紅香牛皮爲之中嵌鹿皮刺以文繡宰桑用紅香牛皮不嵌不繡民人曳皮履或黑或黃無敢用紅者婦人鞞貴賤視其夫有都爾布錦者以羊毛織成若內地之坐褥然其文字謂之托忒共十五字頭每字頭凡七音共得一百五音其法直下右行用木筆書之或削竹爲筆長四寸上潤而下銳取墨以作書謂之烏珠克台吉宰桑所居皆建旗纛或以綠緞或以雜色布幅爲之書喇嘛經咒於其上遇風展動則種福與諷誦等台吉之印其形圓範金爲之宰桑

以下之印或以銀或以銅鐵錫五金備用各視其職掌以爲差等四時不知甲子祇以十二物記年如歲在寅則爲虎年之類每歲元旦四月八日五月望日十月二十五日爲四大節禮佛諷經不殺牲春月女子有蹋鞠之戲秋月酋長有馬射之棚長夏親朋有馬湏之會三冬穉孩有潑水之樂積年置閨亦同中國但不拘月分屆當閨之年宰桑等請於大台吉隨意中所欲置閨於某年遇小建之月亦不必定無三十日隨台吉之意而去一日焉自寅至丑每月俱可閨自朔至晦每日皆可虛也其地亦無二十四氣

星家之書名珠露海男女婚姻以羊馬爲聘禮婚之日婿至女門女家諷喇嘛經婿與女共持一羊胛骨拜天地日月夫婦交結其髮女家爲設蒙古包以成婚明日婿先歸別擇日以娶婦乘馬至婿家諷經亦如之人死不立喪制子孫親屬丐延喇嘛諷經檢珠露海所載有應五行葬法則以其法葬之如應金葬則置諸山應木葬則懸諸樹應火葬則焚諸火應水葬則沈諸河應土葬則埋諸地若不應五行葬則撒蒙古包棄尸道旁自亡日起諷經四十九日不殺生不獲髮有剪髮以爲孝者每忌日設果食湏乳以祭



遇草青時子孫思其祖父亦酌奠於野至從軍失伍者冠以紙冠並令其妻服短布衣遊行示辱盜馬者罰九牛或九羊九馬給事主無牲畜者則以盜者之妻給事主以償之無妻則鞭其腰其刑罰若此所用錢名普爾回人所輪制小而厚圓擗而首微銳中無方孔面鑄準部台吉之名背附以回字凡台吉新立輒更鑄舊錢皆銷其樂器多以馬鬃尾爲絃無用絲者絃之大小以鬃之多寡爲差亦間有皮絃者樂音大抵以絲爲主而竹附之其鼓曰鏗格爾格喇嘛諷經用之有曲曰遜雅布圖達爾者皆彼中頌禱之辭

歡會宴飲所用也俗尚之大畧如此

回俗紀聞

回俗不信佛書事天爲本有禮拜寺而無像設誦經  
其中相傳爲排哈木巴爾裔其祖國曰默特納卽史  
所載默德那國也熟於經典者名曰阿渾每七日輒  
爲衆誦經祈福一次其紀年有地支而無天干三百  
六十日爲一年月無小建歲無閏滿五百六十日謂  
之大年大年第一日如內地元旦伯克詣禮拜寺燾  
前行禮殺羔祭天大小相慶賀過年節謂之人則先  
期三日必把齋不茹葷不殺牲把齋於日出閉關至  
日落星全方飲啖大年之前十五日謂其王下降察

人善惡舉家誦經不寢達旦懸葫蘆燈於樹頭油盡  
燈落則踏破之以爲破除一切災咎也回字凡二十  
九字頭或兼數音而成一字或聯數字而成一音其  
字書名阿里卜占候書名嚕史訥默史名陀里克童  
子能書記者謂之墨嚕至阿渾則能解其文義衆皆  
敬信之遇有疑難必問阿渾行止俟其一言而決卽  
男女婚嫁皆所主持雖謬誤不少怨悔俗忌食豕肉  
他牲非其人自宰殺去血淨者不食見人無跪拜之  
禮見尊長及伯克交手當胸而頓其首謂之阿斯拉  
木惟納馬茲始跪拜納馬茲者送日西入禮拜之名

然自歸化以來見內地官長皆跪拜請安蓋敬之如  
天日神人矣無姓氏宗譜呼婦人爲鴛哥婚姻之事  
婿家邀媒至女家以連襟爲詞不直言議婚旣許諾  
則宰一羊藉之以綢覆之以被送女家爲定前娶之  
三日婿宿女家而不入內屆期女家延阿渾誦經以  
氊毯昇女出門抱之上馬至家先拜竈神潑油於竈  
門然後入房或半年一年新婦始去障面出見舅姑  
夫婦若不睦輒自離異謂之揚土爾其帽冬用皮夏  
用綢緞猩氊爲頂倭緞爲翅凡官長帽頂高尺餘尋  
常帽頂高五寸前後翅各五寸男翅兩平女後翅少

垂頂飾花紋而不綴纓牛羊之皮爲鞞爲履皆朱色  
女子辮髮數十嫁後一月則梳髮後垂以紅絲爲絡  
末綴細珠寶石珊瑚之屬貧有喪者則否所衣之袍  
謂之托恩大領窄袖男右衽女敞前襟內襯衫襖領  
無釵袖不鑲四圍連紉貴者用錦繡及貂爲之呼棉  
花爲白苔餅餌爲囊牛馬乳釀酒爲阿拉占酸乳爲  
氣格卽馬狝也樂器以鼓爲主大小不一制又有提  
琴洋琴之類歌舞盤旋皆以鼓爲節日中之市名爲  
八雜爾每七日一集交易以內地元寶爲貴否則疑  
有贗僞錢以紅銅爲之一錢爲一普爾五十普爾爲

一騰格量穀麥以帽數多則用他哈爾卽小布袋也  
大者謂之帕特瑪其人性巧善雕刻準噶爾時呼之  
爲和通又趨捷者善繩伎蓋古尋橦度索之遺俗好  
育鵬鸚富者多至數十司飼養者謂之鵲師齊鞫囚  
之法縛置高處令足不著地以繩勒其腹不服則鞭  
其腰或囚之於地牢中地牢者掘地爲牢方深二丈  
餘以草木泥土覆之開一竇於上通飲食污穢不堪  
坐卧吐實後設木架懸以示衆三日無不死者其酷  
特甚自投誠以來凡遇犯罪之囚俱各報明處以律  
其罪輕者准依回俗折贖無復向之殘酷矣居喪無

服制惟屏紅綠著黑布而已貧者以白布纏尸昇而瘞之富者或斂以棺其上所覆綢緞分致送葬者爲制小帽起墳多肖棺形或開穴或緣琉璃爲飾率在孔道之旁謂往來人多爲之念經祈冥福云

